



# কাবা সম্পর্কিত মনোমুগ্ধকর তথ্য



শায়খে তরিকত, আমীরে আহুলে সুন্নাত,  
দা'ওয়াতে ইসলামীর প্রতিষ্ঠাতা হযরত আব্দামা মাওলানা আবু বিলাল

মুহাম্মদ ইলইয়াম আত্তার কাদেরী রযবী رحمۃ اللہ علیہ

الْحَمْدُ لِلَّهِ رَبِّ الْعَالَمِينَ وَالصَّلَاةُ وَالسَّلَامُ عَلَى سَيِّدِ الْمُرْسَلِينَ  
أَمَّا بَعْدُ فَأَعُوذُ بِاللَّهِ مِنَ الشَّيْطَانِ الرَّجِيمِ بِسْمِ اللَّهِ الرَّحْمَنِ الرَّحِيمِ ط

এই বিষয়বস্তু “আশিকানে রাসূলের ১৩০টি ঘটনা” কিতবের ১৫৬-১৭৫ পৃষ্ঠা থেকে নেয়া হয়েছে।

## কাবা সম্পর্কিত মনোমুগ্ধকর তথ্য

### আস্তাবের দোয়া

হে আল্লাহ! যে কেউ “কাবা সম্পর্কিত মনোমুগ্ধকর তথ্য” পুস্তিকাটি পড়ে বা শুনে নিবে, তাকে বারবার কাবা শরীফের তাওয়াফ করার সৌভাগ্য দান করো এবং বারবার সবুজ গম্বুজের মনোরম দৃশ্য দেখাও আর তাকে বিনা হিসাবে ক্ষমা করে দাও।

أَمِينَ يَا أَيُّهَا النَّبِيُّ الْأَمِينُ صَلَّى اللَّهُ عَلَيْهِ وَآلِهِ وَسَلَّمَ

### দরুদ শরীফের ফযীলত

প্রিয় নবী, রাসূলে আরবী, মক্কী মাদানী হাশেমী صَلَّى اللَّهُ عَلَيْهِ وَآلِهِ وَسَلَّمَ ইরশাদ করেন: যে (ব্যক্তি) আমার উপর একবার দরুদ শরীফ পাঠ করে আল্লাহ পাক তার উপর দশটি রহমত নাযিল করেন। (মুসলিম, ২১৬ পৃষ্ঠা, হাদীস: ৪০৮)

صَلُّوا عَلَيَّ عَلَى الْحَبِيبِ! صَلَّى اللَّهُ عَلَى مُحَمَّدٍ

মক্কা শরীফের رَادَاةَ اللَّهِ شَرَفًا وَتَعْظِيمًا সবচেয়ে মহান যিয়ারতগাহ (দর্শনীয় স্থান) হচ্ছে কাবা শরীফ। বিশ্বের সকল মুসলমান এর দীদার এবং এর তাওয়াফের জন্য ব্যাকুল হয়ে থাকেন। কাবা শরীফ সম্পর্কে কিছু মনোমুগ্ধকর তথ্য পেশ করা হচ্ছে। কোরআনে করীমের বিভিন্ন স্থানে কাবা শরীফের আলোচনা করা হয়েছে। যেমনটি প্রথম পারা সূরা বাকারায় ১২৫ নম্বর আয়াতে আল্লাহ পাক ইরশাদ করেন:

وَأَذْجَعَلْنَا الْبَيْتَ مَثَابَةً  
لِلنَّاسِ وَأَمْنَاً ط

(পারা: ১, সূরা: বাকারা, আয়াত: ১২৫)

কানযুল ঈমান থেকে অনুবাদ: আর (স্মরণ করুন) আমি যখন এ ঘরকে মানবজাতির জন্য আশ্রয়স্থল ও নিরাপদ স্থান করেছি।

## হেরেমে পশুরা শিকারের পিছু ধাওয়া করে না

এই আয়াতে করীমার আলোকে সদরুল আফযিল হযরত আল্লামা মাওলানা সৈয়দ মুহাম্মদ নঈমুদ্দীন মুরাদাবাদী رَحْمَةُ اللهِ عَلَيْهِ খাযায়িনুল ইরফানে লিখেছেন: (এই আয়াতে মোবারাকার শব্দ) 'بَيْتِ' ঘর দ্বারা কাবা শরীফকে বুঝানো হয়েছে আর এতে সমগ্র হেরেম শরীফ অন্তর্ভুক্ত। 'مَنْ' বা নিরাপদ বানানোর অর্থ হচ্ছে কাবার হেরেমে হত্যাজক্ত ও খুন-খারাবি হারাম, অথবা অর্থ হচ্ছে সেখানে শিকারদের জন্যও নিরাপত্তা রয়েছে। এমনকি পবিত্র হেরেম শরীফে সিংহ ও নেকড়েয়াও শিকারের পিছু ধাওয়া করে না, ফিরে চলে যায়। অন্য একটি মতে, মুমিন এখানে প্রবেশ করেই আযাব থেকে নিরাপত্তা পেয়ে যায়। হেরেমকে এ কারণেই 'হেরেম' বলা হয় যে, এখানে হত্যা করা ও শিকার হারাম ও নিষিদ্ধ। (তাফসীরতে আহমদিয়া, ৩৪ পৃষ্ঠা) যদি কোন অপরাধীও এখানে প্রবেশ করে, তাকেও কোন প্রকার বাঁধা দেওয়া যাবে না।

(তাফসীরে নসফী, ৭৭ পৃষ্ঠা)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

## কাবা সমগ্র বিশ্ব-জগতের পথ প্রদর্শক

চতুর্থ পারার সূরা আলে ইমরানের ৯৬ নম্বর আয়াতে আল্লাহ পাক ইরশাদ করেন:

إِنَّ أَوَّلَ بَيْتٍ وُضِعَ لِلنَّاسِ  
لَلَّذِي بِبَكَّةَ مُبْرَكًا وَهُدًى  
لِّلْعَالَمِينَ

(পারা: ১, সূরা: বাকারা, আয়াত: ১২৬)

**কানযুল ঈমান থেকে অনুবাদ:** নিশ্চয় সর্বপ্রথম ঘর, যা মানবজাতির ইবাদতের জন্য নিদ্বারিত হয়েছে, সেটাই যা মক্কায় অবস্থিত, বরকতময় এবং সমগ্র জাহানের পথ প্রদর্শক।

প্রসিদ্ধ মুফাসসীর, হাকীমুল উম্মত হযরত মুফতী আহমদ ইয়ার খাঁন رَحْمَةُ اللهِ عَلَيْهِ এই আয়াতের আলোকে বলেন: হে মুসলমানেরা! অথবা হে মানবজাতি! নিঃসন্দেহে জেনে রাখুন যে, পৃথিবীর বুকে সর্বপ্রথম ও সর্বশ্রেষ্ঠ

যে ঘরটি বিশ্ব-মানবতার দ্বীনি ও দুনিয়াবী উপকারের জন্য সৃষ্টি করা হয়েছে এবং নির্মাণ করা হয়েছে, এটি সেই ঘরই যা মক্কা শরীফে অবস্থিত। সেটি বাইতুল মুকাদ্দাস নয়; যা মর্যাদার দিক থেকেও কাবা শরীফের পরবর্তী স্থানে এবং ফযীলতের দিক থেকেও। (তাফসীরে নঙ্গমী, ৪র্থ খন্ড, ২৯ পৃষ্ঠা)

## কাবা শরীফ সম্পর্কে ১২টি মাদানী ফুল

প্রসিদ্ধ মুফাসসীর, হাকীমুল উম্মত, হযরত মুফতী আহমদ ইয়ার খাঁন **رَحْمَةُ اللهِ عَلَيْهِ** বলেন: কাবা শরীফের ফযীলত অগণিত, তন্মধ্য হতে কতিপয় এখানে উল্লেখ করা হলো:

(১) বাইতুল মুকাদ্দাসের প্রসিদ্ধ নির্মাতা হলেন হযরত সুলাইমান **عَلَيْهِ السَّلَام**, এটি তিনি জ্বিনদের দিয়ে নির্মাণ করিয়ে ছিলেন। কিন্তু কাবা শরীফের প্রসিদ্ধ নির্মাতা হলেন হযরত ইব্রাহীম খলীলুল্লাহ **عَلَيْهِ السَّلَام**।

(২) কাবা শরীফে মকামে ইব্রাহীম, হাজরে আসওয়াদ ইত্যাদি এমন কতকগুলো কুদরতের নিদর্শন বিদ্যমান যা বাইতুল মুকাদ্দাসে নাই। (৩) কাবা শরীফের উপর দিয়ে পাখি ইত্যাদি উড়ে না বরং এর আশে-পাশে সরে যায়।

(৪) কাবার হেরেমে ছাগল ও বাঘ একত্রে পানি পান করে, এখানে শিকারী প্রাণীরাও শিকার ধরে না। (৫) কাবার হেরেমে কিয়ামত পর্যন্ত যুদ্ধ-বিগ্রহ হারাম। (৬) কাবা শরীফ সমগ্র হিজায়ীদের বিশেষ করে মক্কাবাসীদের জীবন ধারণের মাধ্যম। কেননা, এই জায়গাটি সজীব নয় (অর্থাৎ পানি ও উদ্ভিদশূণ্য), জীবন ধারণের প্রয়োজনীয় কিছুই এখানে হয় না কিন্তু এখানকার

অধিবাসীরা অন্যান্যদের তুলনায় ভালই আছেন, মোটকথা এই স্থানটি শুধুমাত্র ইবাদতের জন্যই। (৭) আল্লাহ পাক কাবা শরীফের হেফাজত স্বয়ং নিজেই করেন, যেমনটি হস্তীবাহিনীকে আবাবীল পাখি দিয়ে মেরে ফেলেছিলেন।

(৮) হজ্ব সর্বদা কাবা শরীফেই হয়েছে, বাইতুল মুকাদ্দাসে কখনো হজ্ব হয়নি। (৯) আল্লাহ পাকের সর্বশেষ নবী হযরত মুহাম্মদ মুস্তফা **صَلَّى اللهُ عَلَيْهِ وَآلِهِ وَسَلَّمَ** কাবা শরীফের পাশেই মক্কা শরীফেই আবির্ভূত হন। (১০) আল্লাহ পাক কাবার

শহরটিকেই ‘বালাদুল আমীন’ অর্থাৎ নিরাপত্তার শহর বলেছেন এবং এর নামে শপথও করেছেন, ইরশাদ করেন: “وَهَذَا الْبَلَدِ الْأَمِينِ”

কানযুল ঈমান থেকে অনুবাদ: আর এই নিরাপদ শহরের (শপথ)।

(১১) কাবা শরীফের নিকট একটি নেকীর জন্য এক লক্ষ সাওয়াব এবং বাইতুল মুকাদ্দাসের নিকট পঞ্চাশ হাজার। (১২) ফিরিশতা এবং অনেক আশ্বিয়ার **عَلَيْهِمُ السَّلَام** কিবলা কাবা শরীফই ছিলো, বাইতুল মুকাদ্দাস নয়।

(তাফসীরে নদ্বী, ৪র্থ খন্ড, ৩০, ৩১ পৃষ্ঠা)

## অসুস্থ পাখিরা কাবার বাতাস দ্বারা চিকিৎসা করে থাকে

সদরুল আফযিল হযরত আল্লামা মাওলানা সৈয়দ মুহাম্মদ নাঈমুদ্দীন মুরাদাবাদী **رَحْمَةُ اللهِ عَلَيْهِ** খাযাইনুল ইরফানে চতুর্থ পারার সূরা আলে ইমরানের

৯৭ নম্বর আয়াতে করীমা **فِيهِ آيَاتٌ بَيِّنَاتٌ** (কানযুল ঈমান থেকে অনুবাদ: এতে রয়েছে অনেক উজ্জ্বল নিদর্শন) এর তাফসীরে লিখেছেন: যা এর সম্মান ও শ্রেষ্ঠত্বের প্রমাণ বহন করে, সেসব নিদর্শনাবলীর মধ্যে কয়েকটি হচ্ছে, কোন পাখি কাবা শরীফের উপরে বসে না, সেটির উপর দিয়ে উড়েও যায় না বরং উড়ে নিকটে এসে এদিক সেদিক সরে পড়ে, আর যেসব পাখি অসুস্থ হয়ে পড়ে তারা চিকিৎসাও এভাবে করে যে, কাবার আশেপাশের বাতাসের মধ্য দিয়ে উড়ে যায়, এতে করে তারা সুস্থ হয়ে যায়। বনের পশুরা কাবা শরীফের পবিত্র হেরেমে একে অপরকে কোন রূপ কষ্ট দেয় না, এমনকি কুকুর পর্যন্ত এই পবিত্র ভূমিতে হরিণের উপর আক্রমণ করে না, সেখানে তারা শিকার করে না এবং মানুষের অন্তর পবিত্র কাবার প্রতি আকর্ষিত হয় এবং কাবা শরীফের দিকে দৃষ্টি দিতেই চোখ দিয়ে অশ্রু প্রবাহিত হয় এবং প্রতি জুমার রাতে (অর্থাৎ বৃহস্পতিবার দিবাগত রাতে) সমস্ত অলীগণের রুহ সমূহ কাবা শরীফের চতুর্দিকে উপস্থিত হয়ে যায় এবং কোন মানুষই যদি এই কাবা শরীফের অসম্মান করার ইচ্ছা করে সে ধ্বংস হয়ে যায়। (খাযাইনুল ইরফান)

## কাবা শরীফের যিয়ারত করা ইবাদত

হাদীস শরীফে বর্ণিত রয়েছে: “কাবা শরীফ দেখা ইবাদত, কোরআনে মজীদ দেখা ইবাদত এবং আলিমের চেহারা দেখা ইবাদত।” (ফিরদাউসুল আখবার, হাদীস: ২৭৯১, ১ম খন্ড, ৩৭৬ পৃষ্ঠা) অপর এক বর্ণনায় রয়েছে: “জমজমের দিকে তাকানো ইবাদত।” (আখবারে মক্কা লিল ফা-কিহী, ২য় খন্ড, ১৪ পৃষ্ঠা, হাদীস: ১১০৫)

## কাবা শরীফ হচ্ছে কিবলা

হযরত সাযিয়্যুনা ইবনে আব্বাস رضي الله عنه বলেন: নবী করীম صلى الله عليه وآله وسلم যখন কাবা শরীফে প্রবেশ করলেন, তখন এর কোণায় কোণায় দোয়া করেন এবং নামায পড়লেন না এমনকি সেখান থেকে তাশরিফ নিয়ে আসেন, বেরিয়ে এসে কাবা শরীফকে সামনে নিয়ে দুই রাকাত নামায আদায় করলেন এবং ইরশাদ করলেন: “এটি হলো কিবলা।”

(বুখারী, ১ম খন্ড, পৃষ্ঠা ১৫৬, হাদীস: ৩৯৮)

প্রসিদ্ধ মুফাসসীর, হাকীমুল উম্মত হযরত মুফতী আহমদ ইয়ার খাঁন رحمته الله عليه ‘এটি হলো কিবলা’ উক্তিটির ব্যাখ্যা করতে গিয়ে লিখেন: অর্থাৎ কিয়ামত পর্যন্ত কাবা সকল মুসলমানদের কিবলা হয়ে গেলো, কখনোও রহিত হবে না। এতে একটি সূক্ষ্ম ইঙ্গিত এটাও রয়েছে যে, কাবা শরীফের যে কোন অংশই কিবলা, নামাযীর সামনে সম্পূর্ণ কাবা হওয়া আবশ্যিক নয়।

(মিরআতুল মানাজীহ, ১ম খন্ড, ৪২৯ পৃষ্ঠা)

## কাবা শরীফের ভিতরে নামাযে কোন্ দিকে মুখ করবে

দাওয়াতে ইসলামীর প্রকাশনা প্রতিষ্ঠান মাকতাবাতুল মদীনা কর্তৃক প্রকাশিত ১২৫০ পৃষ্ঠা সম্বলিত কিতাব ‘বাহারে শরীয়াত’ এর প্রথম খন্ডের ৪৮৭ নম্বর পৃষ্ঠার ৫০ নম্বর মাসয়ালা হলো: কাবা শরীফের ভেতরে নামায পড়লে যেদিকে ইচ্ছা সেদিক হয়ে পড়বে, কাবার ছাদেও নামায হয়ে যাবে, কিন্তু এর ছাদে উঠা নিষিদ্ধ। (জনিয়া, ৬১৬ পৃষ্ঠা)

## শুধুমাত্র তিনটি মসজিদের উদ্দেশ্যে সফরের হাদীস, ব্যাখ্যা সহ

হযরত সায়্যিদুনা আবু হুরায়রা رَضِيَ اللهُ عَنْهُ থেকে বর্ণিত, রাসূলুল্লাহ صَلَّى اللهُ عَلَيْهِ وَآلِهِ وَسَلَّمَ ইরশাদ করেন: “তিনটি মসজিদ ব্যতীত অন্য কোন দিকে সফরের উদ্দেশ্যে (মোড়ার) জিন বাঁধা যাবে না (অর্থাৎ সফর করা যাবে না), (১) মসজিদে হারাম, (২) মসজিদে নববী এবং (৩) মসজিদে আকসা।”

(বুখারী, ১ম খন্ড, ৪০১ পৃষ্ঠা, হাদীস: ১১৮৯)

প্রসিদ্ধ মুফাসসীর, হাকীমুল উম্মত হযরত মুফতী আহমদ ইয়ার খাঁন رَحِمَهُ اللهُ عَلَيْهِ লিখেছেন: অর্থাৎ এই তিনটি মসজিদ ব্যতীত অন্য কোন মসজিদের দিকে এই উদ্দেশ্যে সফর করা যে, সেখানে নামায আদায় করলে সাওয়াব বেশি হবে, নিষিদ্ধ। যেমন, কিছু লোক জুমা আদায়ের জন্য বাদায়ুন থেকে দিল্লী যায়। কেননা, সেখানকার জামে মসজিদে সাওয়াব বেশি পাওয়ার যায়, এটি ভুল। (এই তিনটি ব্যতীত) যে কোন স্থানের মসজিদে সাওয়াবের কোন তারতম্য নাই। হাদীস শরীফটির মূল ব্যাখ্যা এটিই। কিছু লোক হাদীস শরীফটির অর্থ এই বলে মনে করে যে, এই তিনটি মসজিদ ব্যতীত অন্য যে কোন মসজিদে সফর করাই হারাম। সুতরাং ওরস, কবর যিয়ারত ইত্যাদির উদ্দেশ্যে সফর করাও হারাম। হাদীস শরীফের অর্থ যদি এই হয়, তাহলে ব্যবসা-বাণিজ্য, চিকিৎসা, বন্ধু-বান্ধবদের সাথে সাক্ষাৎ, ইলমে দ্বীন অর্জন ইত্যাদি সকল কার্যাদির জন্য সফর করা হারাম হয়ে যাবে এবং এই হাদীসটি পবিত্র কোরআনের বিরোধী হয়ে যাবে; অন্য অনেক হাদীসেরও। আল্লাহ পাক ইরশাদ করেন:

قُلْ سِيرُوا فِي الْأَرْضِ ثُمَّ انظُرُوا

كَيْفَ كَانَ عَاقِبَةُ الْمُكْذِبِينَ ﴿١١﴾

(পারা: ৭, সূরা: আনআম, আয়াত: ১১)

কানযুল ঈমান থেকে অনুবাদ: আপনি বলে দিন, ‘ভূ-পৃষ্ঠে ভ্রমণ করো। অতঃপর দেখো মিথ্যা প্রতিপন্ন কারীদের কী পরিণাম হয়েছে!’

‘মিরকাতে’ এই স্থানে আর ‘শামী’ যিয়ারতে কুবুর অধ্যায়ে বলেন: যেহেতু এই তিনটি মসজিদ ব্যতীত অন্য সব মসজিদ সাওয়াবের দিক থেকে সমান, সেহেতু অন্য সব মসজিদের দিকে (বেশি সাওয়াব অর্জনের নিয়তে) সফর করা নিষেধ এবং আল্লাহর অলীদের কবরসমূহ ফয়য ও বরকতের দিক থেকে ভিন্ন, সুতরাং কবর যিয়ারতের উদ্দেশ্যে সফর করা জায়েয।

(মিরআতুল মানাজীহ, ১ম খন্ড, ৪০১ পৃষ্ঠা। মিরকাত, ২য় খন্ড, ৩৯৭ পৃষ্ঠা, হাদীস: ৬৯৩। রদুল মুহতার, ৩য় খন্ড, ১৭৮ পৃষ্ঠা)

## প্রতিটি কদমে নেকী আর গুনাহের ক্ষমা

হযরত সাযিয়দুনা আবু হুরায়রা رضي الله عنه বলেন: আমি আবুল কাসিম মুহাম্মদুর রাসূলুল্লাহ صلى الله عليه وآله وسلم কে ইরশাদ করতে শুনেছি: “যে ব্যক্তি কাবা শরীফে হাজিরীর ইচ্ছা করলো আর উটে আরোহন করলো তবে উট যত কদম তোলে আর ফেলে, তার পরিবর্তে আল্লাহ পাক তার জন্য সাওয়াব লিখেন এবং গুনাহ ক্ষমা করে দেন আর মর্যাদা বৃদ্ধি করেন, এমনকি যখন কাবা শরীফে পৌঁছে যায়, তাওয়াফ করে এবং সাফা-মারওয়ার মাঝখানে সাঈফ করে, অতঃপর মাথা মুন্ডায় বা চুল কাটে তবে গুনাহ থেকে এমনভাবে বের হয়ে গেলো যে, সে যেন সেই দিনই তার মায়ের পেট থেকে জন্ম নিলো।”

(শুয়াবুল ইমান, ৩য় খন্ড, ৪৭৮ পৃষ্ঠা, হাদীস: ৪১১৫)

## সায়িয়দুনা আদম عليه السلام ও কাবা

হযরত সাযিয়দুনা আদম ছফিউল্লাহ علي تبييننا وعليه الصلوة والسلام যখন জান্নাত থেকে এই পৃথিবীতে আগমন করেন তখন আল্লাহ পাকের দরবারে আতঙ্ক ও একাকীত্বের ফরিয়াদ করলেন। অতঃপর আল্লাহ পাক তাঁকে কাবা শরীফ নির্মাণ এবং এর তাওয়াফ করার আদেশ দিলেন, হযরত সাযিয়দুনা নূহ নাজিউল্লাহ علي تبييننا وعليه الصلوة والسلام এর যুগ পর্যন্ত এটিই কাবা ছিলো, হযরত নূহ عليه الصلوة والسلام এর তুফানের সময় এই কাবা শরীফকে সপ্তম আসমানের দিকে



কাবার সীমানা বরাবর উপরে উঠিয়ে নেওয়া হয়, বর্তমানে ফিরিশতারা সেই ঘরটিতে আল্লাহ পাকের ইবাদত করেন। (তাকসীরে কবীর, ৩য় খন্ড, ২৯৬ পৃষ্ঠা)

## শুভাগমনের খুশিতে কাবার উপর পতাকা

সায়্যিদাতুনা আমেনা رَضِيَ اللهُ عَنْهَا বলেন: আমি দেখতে পেলাম যে, তিনটি পতাকা গেঁড়ে দেওয়া হয়েছে। একটি পূর্ব দিকে, একটি পশ্চিম দিকে, তৃতীয়টি কাবা শরীফের ছাদে এবং নবীয়ে রহমত صَلَّى اللهُ عَلَيْهِ وَآلِهِ وَسَلَّمَ এর শুভাগমন হয়ে গেলো। (খাসায়িলে কুবরা, ১ম খন্ড, ৮২ পৃষ্ঠা)

রুহুল আমী নে গাঁড়া কাবে কে ছাত পে বাভা,  
তা আরশ উড়া ফারেরা সুবহে শবে বিলাদত। (যওকে নাভ)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

## পবিত্র কাবার একটি জিহ্বা ও দুইটি ঠোঁট আছে

তাজেদারে রিসালত, শাহানশাহে নবুয়ত, মুস্তফা জানে রহমত, হুয়র صَلَّى اللهُ عَلَيْهِ وَآلِهِ وَسَلَّمَ ইরশাদ করেন: “নিশ্চয় কাবা শরীফের একটি জিহ্বা ও দুইটি ঠোঁট রয়েছে এবং সে অভিযোগ করে আরয করলো: হে প্রতিপালক! আমার প্রতি বারবার আসা লোক আর আমাকে দেখতে আসা লোকের সংখ্যা কমে গেছে। তখন আল্লাহ পাক ওহী অবতীর্ণ করলেন: আমি এমন বিনয়ী, নম্র এবং সিজদাকারী মানুষ সৃষ্টি করবো, যারা তোমার প্রতি এতই আগ্রহী হবে যে, কবুতরেরা যেমন তাদের ডিমের প্রতি আগ্রহী থাকে।”

(আল মু'জামুল আওসাত, ৪র্থ খন্ড, ৩০৫ পৃষ্ঠা, হাদীস: ৬০৬৬)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

## সুলায়মান عَلَيْهِ السَّلَام এর সৈন্য এবং কাবা

দা'ওয়াতে ইসলামীর প্রকাশনা প্রতিষ্ঠান মাকতাবাতুল মদীনা কর্তৃক প্রকাশিত ৫৬১ পৃষ্ঠা সম্বলিত 'মলফূযাতে আ'লা হযরত' কিতাবের ১৩০ পৃষ্ঠায় উল্লেখ রয়েছে: হযরত সাযিয়দুনা সোলায়মান عَلَيْهِ الصَّلَاةُ وَالسَّلَام এর সিংহাসন বাতাসে উড়ে যাচ্ছিল। যখন কাবা শরীফের নিকট দিয়ে যাচ্ছিল তখন কাবা কান্না করে উঠলো এবং আল্লাহ পাকের দরবারে ফরিয়াদ করলো: তোমার এক নবী আর তোমার একটি দল আমার পাশ দিয়ে চলে গেলো, তারা আমার এখানে নামলও না, নামাযও আদায় করলো না। তখন আল্লাহ পাক ইরশাদ করলেন: কান্না করো না, আমি আমার বান্দাদের উপর তোমার হজ্ব করা ফরয করে দেব, তারা এমনভাবে তোমার দিকে ধেয়ে আসবে যেমন পাখিরা ধেয়ে আসে তাদের বাসার দিকে, তারা কাঁদতে কাঁদতে তোমার দিকে এমনভাবে দৌড়াবে যেমন দৌড়ায় কোন উট তার বাচ্চার টানে এবং তোমার বুক (অর্থাৎ তোমার শহরে) শেষ যুগের নবী সৃষ্টি করবো, যিনি সকল আশ্বিয়াদের (عَلَيْهِمُ السَّلَام) মাঝে আমার কাছে অধিক প্রিয়।”

(তাফসীরে বাগতী, ৩য় খন্ড, ৩৫১ পৃষ্ঠা)

## শর্কের শিকলে বেঁধে কাবাকে হাশরের ময়দানে আনা হবে

হযরত সাযিয়দুনা ওয়াহাব বিন মুনাব্বিহ رَحْمَةُ اللَّهِ عَلَيْهِ বলেন: 'তাওরাত শরীফে' উল্লেখ আছে, কিয়ামতের দিন আল্লাহ পাক তাঁর সাত লক্ষ নৈকট্যশীল ফিরিশতা পাঠাবেন যাদের প্রত্যেকের হাতে থাকবে একটি করে সোনার শিকল, আল্লাহ পাক আদেশ দিবেন: “যাও! এই শিকল দ্বারা বেঁধে কাবাকে হাশরের ময়দানে নিয়ে এসো,” ফিরিশতারা যাবেন কাবাকে শিকলে বেঁধে টানবেন, একটি ফিরিশতা বলবেন: “হে কাবাতুল্লাহ! চল।” তখন পবিত্র কাবা বলবে: “আমি যাব না, যতক্ষণ পর্যন্ত আমার আকাংখা পূর্ণ হবে না।” তখন আসমানের দিক থেকে একটি ফিরিশতা বলবেন: “তুমি ফরিয়াদ কর!” তখন কাবা আল্লাহর দরবারে ফরিয়াদ করবে: “হে আল্লাহ! তুমি

আমার পাশে দাফনকৃত মুমিনদের ব্যাপারে আমার সুপারিশ কবুল করে নাও।” তখন কাবা শরীফ একটি আওয়াজ শুনবে: “আমি তোমার আবেদন গ্রহণ করে নিলাম।” হযরত সায্যিদুনা ওয়াহাব বিন মুনাঐব্বি رَحْمَةُ اللَّهِ عَلَيْهِ বলেন: “অতঃপর মক্কায়ে মুকাররমার رَأَى اللَّهُ شَرَفًا وَتَعْظِيمًا পাশে দাফনকৃত মুমিনদেরকে উঠানো হবে, যাদের চেহারা হবে সাদা। তারা সবাই ইহরাম অবস্থায় কাবার চারিদিকে জড়ো হয়ে তালবিয়া (অর্থাৎ لَبَّيْكَ) পাঠে রত থাকবে। অতঃপর ফিরিশতারা বলবেন: “হে কাবা! এবার চল।” তখন কাবা বলবে: “আমি যাব না, যতক্ষণ না আমার আবেদন গ্রহণ করা হবে না।” তখন আসামনের দিক থেকে একটি ফিরিশতা ডাক দিয়ে বলবেন: “তুমি ফরিয়াদ কর, তোমাকে দান করা হবে।” তখন কাবা শরীফ বলবে: “হে আল্লাহ! তোমার যেসব গুনাহগার বান্দারা দূর দুরান্ত থেকে ধূলামলিন অবস্থায় আমার কাছে আসত, তারা তাদের পরিবার-পরিজন ও সন্তান-সন্ততিদের ছেড়ে আসত, তারা তোমার আদেশ পালনে আমার যিয়ারতের আত্মহে বেরিয়ে পড়ে তোমার হুকুম অনুযায়ী হজ্জের আনুষ্ঠানিকতাগুলো পালন করেছিলো। তাই আমি তোমার নিকট ফরিয়াদ করছি যে, তাদের ব্যাপারে তুমি আমার সুপারিশ কবুল করো। তুমি তাদেরকে কিয়ামতের ভয়াবহতা থেকে নিরাপত্তা দান কর আর তাদেরকে আমার নিকট অকত্রিত করে দাও।” তখন একটি ফিরিশতা ডাক দিয়ে বলবেন: “হে কাবা! তাদের মধ্যে এমন লোকও তো রয়েছে যারা তোমার তাওয়াফ করার পর আবার গুনাহে লিপ্ত হয়ে গিয়েছিলো এবং এতে আধিক্যের কারণে নিজেদের উপর জাহান্নামকে ওয়াজিব করে নিয়েছে।” তখন কাবা আরম্ভ করবে: “হে আল্লাহ! সেসব গুনাহগারদের জন্যও তুমি আমার সুপারিশ কবুল কর যাদের উপর জাহান্নাম ওয়াজিব হয়ে গেছে।” তখন আল্লাহ পাক ইরশাদ করবেন: “আমি তাদের ব্যাপারে তোমার সুপারিশ কবুল করে নিলাম।” তখন সেই ফিরিশতাটি আবারো ডাক দিয়ে বলবেন: “যারা কাবার যিয়ারত করেছিলে তারা অন্যদের থেকে আলাদা হয়ে যাও।” আল্লাহ পাক তাদের সবাইকে কাবার চতুর্দিকে

একত্রিত করে দেবেন। তাদের সকলের চেহারা হবে সাদা এবং তারা জাহান্নাম থেকে নির্ভয় হয়ে তাওয়াফ করতে করতে তালবীয়া বলতে থাকবে। অতঃপর ফিরিশতা বলবে: “হে কাবাতুল্লাহ! চল।” তখন কাবা শরীফ এভাবে তালবীয়া পাঠ করবে: “لَبَّيْكَ اللَّهُمَّ لَبَّيْكَ، وَالْحَمْدُ كُلُّهُ بِيَدَيْكَ، لَبَّيْكَ لَا شَرِيكَ لَكَ” অতঃপর ফিরিশতা কাবা শরীফকে টেনে হাশরের ময়দানে নিয়ে যাবেন। (আর রওয়াল ফায়িক, ৬৬ পৃষ্ঠা)

## কিয়ামতের দিন পবিত্র কাবাকে নববধূর সাজে উঠানো হবে

বর্ণিত আছে; আল্লাহ পাক বাইতুল্লাহর নিকট ওয়াদা করেছেন যে, প্রতি বৎসর ছয় লক্ষ মানুষ এর হজ্জ পালন করবে, যদি কম হয়, তবে আল্লাহ পাক ফিরিশতাদের দিয়ে সেই স্বল্পতা পূরণ করবেন। আর কিয়ামতের দিন কাবা শরীফ **رَادَاهَا اللَّهُ شَرَفًا وَتَعْظِيمًا** কে প্রথম রাতের নববধূর ন্যায় উঠানো হবে, তখন যেসব মানুষ এই কাবা শরীফের হজ্জ করেছে তারা সবাই এর পর্দার সাথে ঝুলে থাকবে এবং এর চতুর্দিকে তাওয়াফ করতে থাকবে। এক পর্যায়ে এটি (অর্থাৎ কাবা শরীফ) জান্নাতে প্রবেশ করবে তখন তারাও এর সাথে জান্নাতে প্রবেশ করবে। (ইহইয়াউল উলুম, ১ম খন্ড, ৩২৪ পৃষ্ঠা)

তাসাদ্দুক হো রাহে হেঁ লাখৌ বন্দে গির্দ ফের ফের কর,  
তাওয়াফে খানায়ে কাবা আজব দিলচস্প মনজর হে। (যওকে নাহ)

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

## তাওয়াফের ফযীলত সমূহ

পারা ১৭ সূরা হজ্জের ২৯ নম্বর আয়াতে আল্লাহ পাক ইরশাদ করেন:

وَلَيَطَّوَّفُوا بِالْبَيْتِ الْعَتِيقِ

(পারা: ১৭, সূরা: হজ্জ, আয়াত: ২৯)

কানযুল ঈমান থেকে অনুবাদ: আর

এই আযাদ ঘরের তাওয়াফ করো।

## তাওয়াফ কীভাবে শুরু হলো?

প্রসিদ্ধ মুফাসসীর, হাকীমুল উম্মত হযরত মুফতী আহমদ ইয়ার খাঁন رَحْمَةُ اللهِ عَلَيْهِ 'তাফসীরে নঈমী'তে উল্লেখ করেন: তাফসীরে রুহুল বয়ান প্রণেতা ও তাফসীরে আযীযী প্রণেতা বলেন: এই ভূ-খন্ডের পূর্বে শুধু পানিই আর পানিই ছিলো। কুদরতি ভাবে দুই হাজার বৎসর পূর্বে বর্তমান কাবার এই স্থানে সাদা ফেণার সৃষ্টি হয়। কিছুদিনের মধ্যে একে বিস্তৃত করে জমিন বানিয়ে দেওয়া হয়, অতঃপর যখন ফিরিশতাদেরকে আল্লাহ পাক আদম عَلَيْهِ الصَّلَاةُ وَالسَّلَام কে সৃষ্টির সংবাদ দিলেন, তখন তারা নিজেদের প্রতিনিধিত্বের যোগ্যতার দাবী উত্থাপন করল এবং আদম عَلَيْهِ الصَّلَاةُ وَالسَّلَام কে সৃষ্টি করার রহস্য জিজ্ঞাসা করলো। কিন্তু সেই দুঃসাহসিকতা প্রদর্শনের কারণে তাওয়ার নিয়তে সাত বৎসর আরশে আযীমের তাওয়াফ করল, আল্লাহ পাক আদেশ দিলেন যে, “জমিনেও এভাবে এই ফেণাটির জায়গায় চিহ্ন লাগিয়ে দাও, যেখানে আমার বান্দারা গুনাহ করার পর এর তাওয়াফ করে আমাকে সম্বল্ট করে নেবে।” (তাফসীরে নঈমী, ১ম খন্ড, ৬৪১ পৃষ্ঠা। তাফসীরে রুহুল বয়ান, ১ম খন্ড, ২৩০ পৃষ্ঠা)

## তাওয়াফের প্রতি কদমের পরিবর্তে দশটি করে নেকী আর ...

হযরত সাযিয়দুনা আব্দুল্লাহ ইবনে ওমর رَضِيَ اللهُ عَنْهُمَا বলেন: আমি রাসূলুল্লাহ صَلَّى اللهُ عَلَيْهِ وَآلِهِ وَسَلَّمَ কে ইরশাদ করতে শুনেছি: “যে ব্যক্তি গুণে গুণে তাওয়াফের সাত চক্কর শেষ করল এবং দুই রাকাত নামায আদায় করল, তবে তা একটি গোলাম আজাদ করার সমান। আর তাওয়াফ করার সময় ব্যক্তির প্রতিটি পদক্ষেপে দশটি করে নেকী লিখা হয় এবং দশটি গুনাহ মিটিয়ে দেওয়া হয় আর দশটি মর্যাদা বৃদ্ধি করে দেওয়া হয়।”

(মুসনদে ইমাম আহমদ বিন হাম্বল, ২য় খন্ড, ২০২ পৃষ্ঠা, হাদীস: ৪৪৬২)

## গোলাম আযাদ করার সমান সাওয়াব

রাসুলুল্লাহ صَلَّى اللهُ عَلَيْهِ وَآلِهِ وَسَلَّمَ ইরশাদ করেন: “যে ব্যক্তি বাইতুল্লাহর তাওয়াফের সাত চক্র শেষ করবে এবং তাতে কোন অযথা কথাবার্তা বলবে না, তবে তা একটি গোলাম আযাদ করার সমান।”

(আল মুজামুল কবীর, ২০তম খন্ড, ৩৬০ পৃষ্ঠা, হাদীস: ৮৪৫)

**صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ**

## গোলাম আযাদ করার ফযীলত

রাসুলুল্লাহ صَلَّى اللهُ عَلَيْهِ وَآلِهِ وَسَلَّمَ ইরশাদ করেন: “যে ব্যক্তি মুসলমান গোলামকে মুক্ত করে দেবে, এর (গোলামটির) প্রতিটি অঙ্গের বিপরীতে আল্লাহ পাক তার (মুক্তকারীর) শরীরের প্রতিটি অঙ্গকে জাহান্নামের আগুন থেকে মুক্ত করে দিবেন।” হযরত সাযিয়দুনা সাঈদ বিন মারজানা رَضِيَ اللهُ عَنْهُ বলেন: আমি যখন সাযিয়দুনা যাইনুল আবেদীন رَضِيَ اللهُ عَنْهُ এর মহান খেদমতে এই হাদীস শরীফটি শুনালাম, তখন তিনি رَضِيَ اللهُ عَنْهُ সাথে সাথে এমন একটি গোলাম আযাদ করে দিলেন যার দাম হযরত সাযিয়দুনা আব্দুল্লাহ ইবনে জাফর رَضِيَ اللهُ عَنْهُ দশ হাজার দিরহাম স্থির করেছিলেন।”

(বুখারী, ২য় খন্ড, ১৫০ পৃষ্ঠা, হাদীস: ২৫১৭)

## দৈনিক ১২০টি রহমত অবতীর্ণ হয়ে থাকে

হযরত সাযিয়দুনা ইবনে আব্বাস رَضِيَ اللهُ عَنْهُمَا থেকে বর্ণিত; নবীয়ে রহমত, শফীয়ে উম্মত صَلَّى اللهُ عَلَيْهِ وَآلِهِ وَسَلَّمَ ইরশাদ করেন: “বাইতুল হারামের হজ্জ পালনকারীর উপর আল্লাহ পাক প্রতিদিন ১২০টি রহমত অবতীর্ণ করেন, ৬০টি তাওয়াফকারীদের জন্য এবং ৪০টি নামায আদায়কারীদের জন্য আর ২০টি দৃষ্টি প্রদানকারীদের জন্য।” (আত তারগীব ওয়াত তারহীব, ২য় খন্ড, ১২৩ পৃষ্ঠা, হাদীস: ৬) মনে রাখবেন! এই হাদীসে পাকে বর্ণিত ফযীলতসমূহ শুধুমাত্র হাজীদের জন্যই।

## পঞ্চাশবার তাওয়াফ করার মহান ফযীলত

হযরত সাযিয়্যুদুনা ইবনে আব্বাস رَضِيَ اللهُ عَنْهُمَا থেকে বর্ণিত; মদীনার তাজেদার, নবীকুল সরদার, হুযুরে আনওয়ার صَلَّى اللهُ عَلَيْهِ وَآلِهِ وَسَلَّمَ ইরশাদ করেন: “যে ব্যক্তি ৫০ বার তাওয়াফ করল তবে সে গুনাহ থেকে এমনভাবে বের হয়ে গেলো, যেন আজই মায়ের পেট থেকে জন্ম নিয়েছে।”

(তিরমিযী, ২য় খন্ড, ২৪৪ পৃষ্ঠা, হাদীস: ৮৬৭)

**صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ**

## তাওয়াফ নামাযেরই মতো

হযরত সাযিয়্যুদুনা ইবনে আব্বাস رَضِيَ اللهُ عَنْهُمَا থেকে বর্ণিত, হুযুরে আকরাম, নূরে মুজাস্‌সম صَلَّى اللهُ عَلَيْهِ وَآلِهِ وَسَلَّمَ ইরশাদ করেন: বাইতুল্লাহর চতুর্দিকে তাওয়াফ করা নামাযের মতোই, তবে পার্থক্য হলো তুমি এতে কথা বলতে পার, তবে যে তাওয়াফের সময় কথাবার্তা বলবে, সে যেন ভাল কথাই বলে।” (তিরমিযী, ২য় খন্ড, ২৮৬ পৃষ্ঠা, হাদীস: ৯৬২)

প্রসিদ্ধ মুফাসসীর, হাকীমুল উম্মত হযরত মুফতী আহমদ ইয়ার খাঁন رَحِمَهُ اللهُ عَلَيْهِ হাদীসে পাকের এই অংশ ‘বাইতুল্লাহর চতুর্দিকে তাওয়াফ করা নামাযের মতোই’ এর আলোকে বলেন: “তাওয়াফও নামাযের মতো উত্তম ইবাদত। ওলামাগণ বলেন: মক্কাবাসীদের জন্য (নফল) নামায (নফল) তাওয়াফ থেকে উত্তম এবং বহিরাগতদের জন্য (নফল) তাওয়াফ (নফল) নামাযের চেয়ে উত্তম। কেননা, তারা এই বিশেষ সময়েই তাওয়াফ করার সুযোগ পায়।” (মিরাত, ৪র্থ খন্ড, ১৩২ পৃষ্ঠা)

## কাবা শরীফের তাওয়াফের জন্য অযু ওয়াজিব

ওযু না থাকলে নামায, সিজদায়ে তিলাওয়াত এবং কোরআন শরীফ স্পর্শ করার জন্য অযু করা ফরয এবং খানায় কাবার তাওয়াফের জন্য অযু করা ওয়াজিব। (বাহারে শরীয়াত, ১ম খন্ড, ৩০১-৩০২ পৃষ্ঠা)

## প্রচণ্ড গরমে তাওয়াফ করার ফযীলত

হযরত আল্লামা মুহাম্মদ হাশিম ঠাটবী رَحْمَةُ اللَّهِ عَلَيْهِ উদ্ধৃত করেন, নবী করীম صَلَّى اللَّهُ عَلَيْهِ وَآلِهِ وَسَلَّمَ ইরশাদ করেন: “যে ব্যক্তি নীরবে আল্লাহ পাকের যিকির সহকারে প্রচণ্ড গরমে এভাবে তাওয়াফ করল যে, কোন কথাবার্তাও বলেনি, কাউকে কষ্টও দেয়নি, প্রতি চক্রে ইসতীলাম করেছে, তবে প্রতি কদমে সত্তর হাজার নেকী লিখা হবে, সত্তর হাজার গুনাহ ক্ষমা হয়ে যাবে এবং সত্তর হাজার মর্যাদা বৃদ্ধি হবে।” (কিতাবুল হজ্জ, ২৮০ পৃষ্ঠা)

**صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ**

## বৃষ্টিতে তাওয়াফ করার ফযীলত

হাদীস শরীফে বর্ণিত রয়েছে: “যে ব্যক্তি বৃষ্টিতে তাওয়াফের সাত বার চক্রে দেয়, তার বিগত (অর্থাৎ পূর্বের) গুনাহ ক্ষমা করে দেওয়া হয়।” (কুতুবুল কুলূব, ২য় খন্ড, ১৯৮ পৃষ্ঠা)

## আমরা যখন বৃষ্টিতে তাওয়াফ করলাম, তখন ...

হযরত সায্যিদুনা আবু ইকাল رَضِيَ اللَّهُ عَنْهُ বলেন: একবার আমি বৃষ্টির সময় হযরত সায্যিদুনা আনাস বিন মালিক رَضِيَ اللَّهُ عَنْهُ এর সাথে বাইতুল্লাহ শরীফের তাওয়াফ করলাম। আমরা যখন তাওয়াফ পূর্ণ করে “মকামে ইব্রাহীমে” উপস্থিত হলাম এবং দুই রাকাত নামায আদায় করলাম তখন হযরত আনাস বিন মালিক رَضِيَ اللَّهُ عَنْهُ আমাকে বললেন: “নতুন ভাবে আমল শুরু করো। কেননা, তোমার গুনাহ ক্ষমা করে দেওয়া হয়েছে।” অতঃপর বললেন যে, প্রিয় নবী, রাসূলে আরবী صَلَّى اللَّهُ عَلَيْهِ وَآلِهِ وَسَلَّمَ এর সাথে বৃষ্টিতে তাওয়াফ করেছিলাম তখন হযরত صَلَّى اللَّهُ عَلَيْهِ وَآلِهِ وَسَلَّمَ আমাকে এভাবেই ইরশাদ করেছিলেন” (ইবনে মাজাহ, ৩য় খন্ড, ৫২৪ পৃষ্ঠা, হাদীস: ৩১১৮)



## আ'লা হযরত বৃষ্টিতে কাবা শরীফের তাওয়াফ করেন

দা'ওয়াতে ইসলামীর প্রকাশনা প্রতিষ্ঠান মাকতাবাতুল মদীনা কর্তৃক প্রকাশিত ৫৬১ পৃষ্ঠা সম্বলিত 'মলফুযাতে আ'লা হযরত' কিতাবের ২০৯ পৃষ্ঠায় উল্লেখ রয়েছে: মুহররাম মাসের শেষ দিনগুলোতে আল্লাহ পাকের দয়ায় আমি যখন সুস্থ ছিলাম, সেখানে একটি সুলতানী গোসলখানা আছে, আমি সেখানে গোসল করলাম। বের হতেই আকাশে মেঘ দেখতে পেলাম, হেরেম শরীফে যেতে যেতেই বৃষ্টি শুরু হলো। তখনই আমার এই হাদীসখানা মনে পড়ে গেলো, "যে বৃষ্টির সময় কাবা শরীফের তাওয়াফ করে, সে আল্লাহ পাকের রহমতের মাঝে সাতার কাটে।" তৎক্ষণাৎ আমি হাজরে আসওয়াদে চুমু খেয়ে বৃষ্টিতেই কাবা শরীফের সাত চক্র তাওয়াফ শেষ করে নিলাম, আবারও জ্বর ফিরে এলো। মাওলানা সাযিদ ইসমাঈল বললেন: "একটি যঈফ (দুর্বল) হাদীসের জন্য আপনি শরীরের প্রতি এমনভাবে অসাবধানী হলেন!" আমি বললাম: "হাদীস যঈফ (দুর্বল) হতে পারে, কিন্তু আমার আশা بِحَمْدِ اللَّهِ تَعَالَى সবল ছিলো।" সেই তাওয়াফটি بِحَمْدِ اللَّهِ تَعَالَى খুবই আনন্দের ছিলো। বৃষ্টির কারণে তাওয়াফকারীদের তেমন ভিড় ছিলো না।

(মলফুযাতে আ'লা হযরত, ২য় খন্ড, ২০৯ পৃষ্ঠা)

## বর্তমানে বৃষ্টিতে তাওয়াফ করতে অসুবিধা

প্রিয় ইসলামী ভাইয়েরা! আ'লা হযরত رَحْمَةُ اللَّهِ عَلَيْهِ এর যুগে হাজীদের সংখ্যা খুবই স্বল্প ছিলো কিন্তু বর্তমানে অনেক বেড়ে গেছে। সুতরাং বৃষ্টির সময়েও তাওয়াফে যথারীতি ভিড় হয়েই থাকে, এতে নারী-পুরুষের মেলামেশা, অসাবধানতার কারণে বেপর্দা, বিবস্ত্রতার বিষয়াদি, মীযাবে রহমত থেকে হাতীম শরীফে পতিত পানিতে গোসলকারী নারী-পুরুষের লাফালাফি ইত্যাদি সব কিছুই চলে। সুতরাং এমতাবস্থায় হাজীদের খুবই চিন্তা ভাবনা করা উচিত যে, মুস্তাহাবের উপর আমল করতে গিয়ে যেন গুনাহে লিপ্ত হয়ে যেতে না হয়। যদি মহিলাদের গায়ে লাগা ছাড়া বৃষ্টির সময় তাওয়াফ করা

সম্ভব না হয়, তবে ইচ্ছাকৃত ভাবে এমন করা তো সাওয়াবের হকদার হওয়ার পরিবর্তে গুনাহগারই হবে। অবশ্য যেসব দিনগুলোতে ভিড় থাকবে না, সুযোগ হবে বৃষ্টিতে তাওয়াফ করার, তবে তা অবশ্যই গ্রহণ করা উচিত।

মদীনে মৌ চলৌ মক্কে কি গলিয়ৌ মৌ ফেরৌ ইয়া রব!  
মে বারিশ মৌ তাওয়াফে খানায়ে কাবা করৌ ইয়া রব!

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

## সাফা ও মারওয়া

এই দুইটি পর্বত আল্লাহ পাকের নিদর্শন, যেমন ২য় পারা সূরা বাকারার ১৫৮ নম্বর আয়াতে আল্লাহ পাক ইরশাদ করেন:

إِنَّ الصَّفَا وَالْمَرْوَةَ مِنْ شَعَائِرِ  
اللَّهِ فَمَنْ حَجَّ الْبَيْتَ أَوِ اعْتَمَرَ  
فَلَا جُنَاحَ عَلَيْهِ أَنْ يَطَّوَّفَ  
بِهِمَا وَمَنْ تَطَوَّعَ خَيْرًا فَإِنَّ  
اللَّهَ شَاكِرٌ عَلِيمٌ

(পারা: ২, সূরা: বাকারা, আয়াত: ১৫৮)

কানযুল ঈমান থেকে অনুবাদ: নিশ্চয় 'সাফা' ও 'মারওয়া' আল্লাহর নিদর্শনগুলোর অন্তর্ভুক্ত। সুতরাং যে কেউ এ ঘরের হজ্ব কিংবা ওমরা সম্পন্ন করে; তার উপর কোন গুনাহ নেই যে এ দু'টি প্রদক্ষিণ করায়; এবং যে কেউ কোন সৎকর্ম স্বতঃস্ফূর্তভাবে করবে, তবে আল্লাহ সৎ কর্মের পুরস্কারদাতা, সর্বজ্ঞ।

## দুরুষ ও মহিলা পাথর হয়ে গেলো

প্রসিদ্ধ মুফাসসীর, হাকীমুল উম্মত হযরত মুফতী আহমদ ইয়ার খাঁন رحمته الله عليه বলেন: পূর্ববর্তী যুগে এক লোক ছিলো ইসাফ এবং এক মহিলা ছিলো নায়েলা, তারা দুই জন কাবা শরীফে অসৎ মনোভাব নিয়ে পরস্পর হাত লাগাল। আল্লাহ পাকের শাস্তি স্বরূপ দুজনই পাথর হয়ে গেলো এবং শিক্ষার জন্য ইসাফকে সাফা পর্বতে এবং নায়েলাকে মারওয়া পর্বতে এনে রাখা হলো যেন লোকজন তাদের দেখে এখানে গুনাহের মনোভাব থেকে দূরে থাকে, যুগ

পরিক্রমায় যখন চারিদিকে মুখতা ছড়িয়ে পড়ল, তখন লোকেরা এগুলোর পূজা করা শুরু করে দিল যে, যখন সাফা ও মারওয়াই দৌড়াত তখন স্বসম্মানে তাদের স্পর্শ করত, মুসলমানদের (সাহাবায়ে কিরাম) সাফা-মারওয়ায় দৌড়ানো পছন্দ হলো না। কেননা, এখানে মূর্তি পূজা ও মূর্তি পূজারীর সাথে সাদৃশ্য ছিলো। তখনই এই আয়াতে করীমা অবতীর্ণ হলো, যাতে তাঁদের শান্তনা প্রদান করা হয় যে, তোমাদের এই কাজটি (অর্থাৎ সাঈ করা) একান্ত আল্লাহ পাককে সন্তুষ্ট করার জন্যই, তোমরা এটিকে বাধা বলে মনে করিও না। (তাফসীরে নঈমী, ২য় খন্ড, ৯৭ পৃষ্ঠা)

## বিবি হাজেরার সাঈ করার ঈমান তাজাকারী কাহিনী

আল্লাহ পাকের আদেশে হযরত সাযিয়দুনা ইব্রাহীম খলীলুল্লাহ عَلَيْ نَبِيِّنَا وَعَلَيْهِ الصَّلَاةُ وَالسَّلَامُ এক টুকরি খেজুর, কয়েক টুকরা রুটি এবং এক মশক পানি দিয়ে সাযিদাতুনা হাজেরা رَضِيَ اللهُ عَنْهَا এবং তাঁরই দুগ্ধপোষ্য শিশু হযরত সাযিয়দুনা ইসমাইল عَلَيْ نَبِيِّنَا وَعَلَيْهِ الصَّلَاةُ وَالسَّلَامُ কে মরুভূমিতে রেখে ফিরে আসেন। প্রসিদ্ধ মুফাসসীর, হাকীমুল উম্মত হযরত মুফতী আহমদ ইয়ার খাঁ رَحِمَهُ اللهُ عَلَيْهِ বলেন: যত দিন পর্যন্ত খেজুর আর পানি ছিলো হযরত হাজেরা رَضِيَ اللهُ عَنْهَا নিশ্চিন্তে দিন অতিবাহিত করেছিলেন এবং সন্তানকেও দুধ পান করাতে পেরেছিলেন, কিন্তু পানি শেষ হয়ে যাওয়াতে তাঁকে পিপাসা কাতর করে, কলিজার টুকরা শিশু ব্যাকুল হয়ে কান্না জুড়ে দিলেন, নিজের জন্য তিনি তেমন ভাবেননি, কিন্তু চোখের মনির ব্যাকুলতা সহ্য করতে পারলেন না, দাঁড়ালেন এবং “সাফা” পর্বতে আরোহন করলেন হয়তো কোথাও পানির নিদর্শন পাওয়া যাবে, কিন্তু পাওয়া গেলো না, নিরাশ হয়ে তিনি নিচে নেমে এলেন, “মারওয়া” পর্বতের দিকে যাত্রা করলেন কিন্তু দৃষ্টি ছিলো বরাবরই সন্তানের দিকে, পথের একটি অংশে এসে সন্তান দৃষ্টির আড়াল হয়ে যায়, তখনই তিনি সেই জায়গাটি তাড়াতাড়ি অতিক্রম করার জন্য দৌড়াতে থাকেন, সেই আড়ালটি কেটে গেলে আবারো ধীরে হাটছিলেন, এক পর্যায়ে “মারওয়া”য় পৌঁছে গেলেন, সেখানে উঠেও তিনি কোথাও পানির সন্ধান পেলেন না, পুনরায় তিনি “সাফা”র দিকে

রওয়ানা হলেন। এভাবে সাতবার চক্রর দিয়েছেন, প্রতিবারেই তিনি মাঝখানের পথটিতে দৌড়িয়েছিলেন (সাফা ও মারওয়ার সাঈ সেই স্মৃতিরই স্মরণ)। শেষবার “মারওয়ান”য় উঠলে এক ভয়ঙ্কর শব্দ কানে আসলো! দৌড়ে সন্তানের কাছে এসে দেখলেন যে, সন্তান কাঁদতে কাঁদতে নিজের পায়ের গোড়ালী জমিনে মারছিলেন, যাতে মিষ্টি পানির প্রস্রবন প্রবাহিত হতে থাকে! তিনি অত্যন্ত খুশি হলেন এবং এর চতুর্দিকে মাটির বাঁধ দিয়ে বলতে লাগলেন: يَا مَاءُ زُرَّمِ (অর্থাৎ) “হে পানি! থাম থাম” সে কারণেই এই পানির নাম হয়ে গেলো ‘আবে যমযম’ বা যমযমের পানি। (তাফসীরে নঈমী, ১ম খণ্ড, ৬৯৪ পৃষ্ঠা)

উস মৈঁ যমযম হো কেহু থাম থাম উস মৈঁ যমযম হো কেহু বেশ,

কহরতে কাওছার মৈঁ যমযম কি তরাহ কম কম নেই। (হাদিসিকি বখশিশ)

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

## মকামে ইব্রাহীম

কোরআন করীমে মকামে ইব্রাহীমের কথা উল্লেখ করা হয়েছে। প্রথম পারা সূরা বাকারার ১২৫ নম্বর আয়াতে ইরশাদ হচ্ছে:

وَاتَّخِذُوا مِنْ مَّقَامِ إِبْرَاهِيمَ مُصَلًّى  
কানযুল ইমান থেকে অনুবাদ: আর ইব্রাহীমের দাড়াবার স্থানকে নামাযের স্থানরূপে গ্রহণ করো।

(পারা: ১, সূরা: বাকারা, আয়াত: ১২৫)

‘মকামে ইব্রাহীম’ হলো জান্নাতী পাথর, হযরত সাযিয়দুনা ইব্রাহীম খলীলুল্লাহ عَلَيْهِ السَّلَامُ পাথরটির উপর তিন বার দাঁড়িয়েছিলেন। (১) এই মোবারক পাথরটিতে তিনি দাঁড়িয়েছিলেন এবং তাঁর পুত্র বধু (সায়িয়দুনা ইসমাইল عَلَيْهِ السَّلَامُ এর স্ত্রী) তাঁর মাথা ধুইয়ে দিয়েছিলেন। (২) কাবা শরীফ নির্মাণের সময় যখন দেওয়ালগুলো উঁচু হয়ে গেলো, তখন হযরত সাযিয়দুনা ইব্রাহীম عَلَيْهِ السَّلَامُ এর পুত্র ইসমাইল عَلَيْهِ السَّلَامُ কে বললেন: কোন পাথর নিয়ে আস, যাতে

তাতে দাঁড়িয়ে দেওয়াল তৈরি করা যায়। হযরত সাযিয়দুনা ইসমাইল عَلَيْهِ السَّلَامُ পাথরের খোঁজে ‘জবলে আবু কুবাইসে’ তাম্রীফ নিয়ে গেলেন। পথে হযরত জিব্রাইল عَلَيْهِ السَّلَامُ এর দেখা হয় বললেন: আসুন আমি আপনাকে একটি পাথর দেখিয়ে দেব, যা আদম عَلَيْهِ السَّلَامُ এর সাথে পৃথিবীতে এসেছিলো এবং এটি হযরত ইদীস عَلَيْهِ السَّلَامُ “তুফানে নূহী” (অর্থাৎ নূহ عَلَيْهِ السَّلَامُ এর তুফান) এর ভয়ে এই পাহাড়ে দাফন করে দিয়েছিলেন, এই জায়গাটিতে ছোট বড় দুইটি পাথর দাফন করা আছে। ছোট পাথরটিকে কাবার দেওয়ালে দরজার পাশে স্থাপন করে দেবেন। যাতে তাওয়াফকারীরা এটিকে চুম্বন করে অর্থাৎ হাজরে আসওয়াদ এবং বড়টিতে হযরত ইব্রাহীম عَلَيْهِ السَّلَامُ দাঁড়িয়ে আল্লাহর ঘর নির্মাণ করবেন। অতএব, তিনি عَلَيْهِ السَّلَامُ পাথর দুইটি নিয়ে এলেন এবং আল্লাহ পাকের এই বার্তাটিও জানিয়ে দিলেন, হযরত ইব্রাহীম عَلَيْهِ السَّلَامُ আল্লাহ পাকের আদেশ অনুযায়ী হাজরে আসওয়াদটিকে একটি কোণায় স্থাপন করে দিলেন আর বড়টিতে দাঁড়িয়ে নির্মাণ কাজ করতে রইলেন, দেওয়াল যতই উপরে উঠতে লাগল, পাথরটিও উঁচু হয়ে যেতো, এভাবে তিনি عَلَيْهِ السَّلَامُ নির্মাণ কাজ শেষ করলেন। (তাকসীরে নঈমী, ১ম খন্ড, ৬৮০ পৃষ্ঠা)

হোতে কাহাঁ খলীল বানা কাবা ও মিনা,

লাওলাক ওয়ালে! ছাহেবী সব তেরে ঘর কি হে। (হাদায়িকে বখশিশ)

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

## হাজরে আসওয়াদ

এটি হলো জান্নাতী পাথর, হাদীস শরীফে বর্ণিত রয়েছে: রোকন (অর্থাৎ হাজরে আসওয়াদ) ও মাকাম (মাকামে ইব্রাহীম) উভয়টি হলো “জান্নাতী ইয়াকুত।” প্রথম দিকে অত্যন্ত নূরানী (আলোকোজ্জ্বল) ছিলো। আল্লাহ পাক এই নূরকে গোপন করে দিলেন, এমন যদি না করতেন তবে এ দুইটি পূর্ব ও পশ্চিম আলোকিত করে তুলত। (তাকসীরে নঈমী, ১ম খন্ড, পৃষ্ঠা ৬৩০) অপর

এক বর্ণনায় রয়েছে: “যখন হাজরে আসওয়াদ কাবার দেওয়ালে স্থাপন করা হলো, তখন এর আলো চতুর্দিকে অনেক দূর পর্যন্ত যেতো, যতটুকু পর্যন্ত এর আলো পৌঁছেছে ততটুকু পর্যন্ত হেরেমের হুদুদ (সীমানা) সাব্যস্ত হয়, যেখানে শিকার করা নিষেধ এবং হাজরে আসওয়াদের রঙ একেবারেই সাদা ছিলো, গুনাহগারদের হাত লাগতে লাগতে কালো হয়ে গেছে। (প্রাঞ্জল, ৬৮০, ৬৮১ পৃষ্ঠা) হুযুর সৈয়দে আলম **صَلَّى اللهُ عَلَيْهِ وَآلِهِ وَسَلَّمَ** এটিকে চুমু দিয়েছেন। ফারসকে আযম **رَضِيَ اللهُ عَنْهُ** বলেন: “হে হাজরে আসওয়াদ! আমি জানি তুমি পাথর মাত্র, লাভ-ক্ষতির মালিক নও, যদি আমি রাসূলুল্লাহ **صَلَّى اللهُ عَلَيْهِ وَآلِهِ وَسَلَّمَ** কে তোমাকে চুমা দিতে না দেখতাম তবে তোমাকে কখনো চুমু দিতাম না।” (বালাদুল আমীন, ৬১ পৃষ্ঠা) প্রিয় মুস্তফা **صَلَّى اللهُ عَلَيْهِ وَآلِهِ وَسَلَّمَ** এর বাণী হচ্ছে: “কিয়ামতের দিন এই পাথরটিকে উঠানো হবে, এর দুইটি চোখ থাকবে, যা দিয়ে দেখবে, একটি জিহ্বা থাকবে, যা দিয়ে কথা বলবে এবং ইসতিলামকারীদের (স্পর্শকারী) পক্ষে সাক্ষ্য দেবে।” (তিরমিযী, ২য় খন্ড, ২৮৬ পৃষ্ঠা, হাদীস: ৯৬৩)

## হাজরে আসওয়াদের ছয়টি বিশেষত্ব

❁ এটিকে স্পর্শ করলে গুনাহ মিটে যায়। ❁ নবুয়ত প্রকাশের পূর্বেও এই মোবারক পাথরটি হুযুর **صَلَّى اللهُ عَلَيْهِ وَآلِهِ وَسَلَّمَ** কে সালাম করত। ❁ এই পাথর শরীফকে পুনরায় আরো একবার তার মূল রূপে এনে দেওয়া হবে। ❁ কিয়ামতের দিন এই পাথরের আকার জবলে আবু কুবাইসের সমান হবে। (বালাদুল আমীন, ৬২ পৃষ্ঠা। ওয়াল জামিউল লতীফ লি ইবনি জুহায়বা, ৩৭, ৩৮ পৃষ্ঠা)

কা'লক জর্বি কি সিজদা দর সে ছোড়াও গে,  
মুঝা কো ভি লে চলো ইয়ে তামান্না হাজর কি হে। (হাদায়িকে বখশিশ)

**صَلَّى اللهُ عَلَى مُحَمَّدٍ**      **صَلَّى اللهُ عَلَى الْحَبِيبِ!**

## ইসলামের সৌন্দর্য

হযুর ﷺ ইরশাদ করেন:

مِنْ حُسْنِ إِسْلَامِ الْمَرْءِ تَرْكُهُ مَا لَا يَعْغِيهِ.

অর্থাৎ কোন ব্যক্তির ইসলামের  
সৌন্দর্য হলো, প্রত্যেক  
উদ্দেশ্যহীন ও অনর্থক কাজ  
পরিহার করা।

(তিরমিযী, ৪/১৪২, হাদীস: ২৩৪৪)



(দা'ওয়াতে ইসলামী)



বাংলাদেশ ইসলামিক সেন্টার



দেখতে থাকুন

### মাকতাবাতুল মদীনার বিভিন্ন শাখা

হেড অফিস : গোলপাহাড় মোড়, ও.আর. নিজাম রোড, পাঁচলাইশ, চট্টগ্রাম। মোবাইল: ০১৭১৪১১২৭২৬

ফয়যানে মদীনা জামে মসজিদ, জনপথ মোড়, সায়েদাবাদ, ঢাকা। মোবাইল: ০১৯২০০৭৮৫১৭

কে. এম. ভবন, দ্বিতীয় তলা, ১১ আদারকিয়া, চট্টগ্রাম। মোবাইল ও বিকাশ নং: ০১৮৪৫৪০৩৫৮৬

E-mail: bdmaktabatulmadina26@gmail.com, bditarajim@gmail.com, Web: www.dawateislami.net